

"Өнеркәсіпті мемлекеттік ынталандыру шараларын көрсету кезінде қарсы міндеттемелерді айқындау және қолдану жөніндегі қағидаларды бекіту туралы" Қазақстан Республикасы Индустрия және инфрақұрылымдық даму министрінің міндетін атқарушының 2022 жылғы 27 мамырдағы № 298 бұйрығына өзгерістер мен толықтырулар енгізу туралы

Қазақстан Республикасы Өнеркәсіп және құрылыс министрінің 2026 жылғы 13 ақпандағы № 56 бұйрығы. Қазақстан Республикасының Әділет министрлігінде 2026 жылғы 20 ақпанда № 38017 тіркелді

БҰЙЫРАМЫН:

1. "Өнеркәсіпті мемлекеттік ынталандыру шараларын көрсету кезінде қарсы міндеттемелерді айқындау және қолдану жөніндегі қағидаларды бекіту туралы" Қазақстан Республикасы Индустрия және инфрақұрылымдық даму министрінің міндетін атқарушының 2022 жылғы 27 мамырдағы № 298 бұйрығына (Нормативтік құқықтық актілерді мемлекеттік тіркеу тізімінде № 28281 болып тіркелген) мынадай өзгерістер мен толықтырулар енгізілсін:

8-тармақтың 5) тармақшасының 1-абзацы мынадай редакцияда жазылсын:

"5) жарғылық капиталдарға инвестицияларды, оның ішінде үлестік және/ немесе мезониндік қаржыландыруды жүзеге асыру:".

8-тармақтың 9) тармақшасы мынадай редакцияда жазылсын:

"9) экспорттық саудалық қаржыландыру, кредиттеу және сақтандыру, қайта сақтандыру және шикізаттық емес экспортты ілгерілету жөніндегі мәмілелерге кепілдік беру тетіктерін пайдалану:

"Экспортқа бағдарланған тауарлар өндірісін ұлғайту" бағыты шеңберінде:

ұсынылған қолдау көлемінен кем емес сомаға ақшалай мәндегі өнім экспорты;".

8-тармақ мынадай мазмұндағы 14) тармақшамен толықтырылсын:

"14) арнаулы инвестициялық жобаны іске асыру шеңберінде импортты кедендік әкелу баждарын және қосылған құн салығын төлеуден босату:

"Еңбек өнімділігін арттыру" бағыты шеңберінде:

өнімді оқшаулау деңгейін арттыру (Қазақстандық тауар өндірушілер тізілімінен үзінді көшірмемен расталатын технологиялық операциялар санын ұлғайту);

"Ішкі нарықтың қажеттіліктерін қамтамасыз ету" бағыты шеңберінде:

2 (екі) жыл ішінде өндірілетін өнім көлемін 10%-ға ұлғайту.".

13-тармақ мынадай мазмұндағы абзацпен толықтырылсын:

"Қарсы міндеттемелер орындалмаған жағдайда шикізаттық емес экспортты ілгерілету бойынша экспорттық сауда-саттықты қаржыландыру, сақтандыру, қайта

сақтандыру және мәмілелерге кепілдік беру кезінде өнеркәсіптік-инновациялық қызмет субъектілері тұрақсыздық айыбын қолданады."

16-тармақ мынадай редакцияда жазылсын:

"Қарсы міндеттемелердің орындалу деңгейін, ақшалай қаражатты қайтару көлемін және ақшалай қаражатты қайтару рәсімін есептеуді өнеркәсіптік-инновациялық қызметті мемлекеттік ынталандыруға қатысатын өнеркәсіптік-инновациялық жүйе субъектілері өнеркәсіптік-инновациялық қызметті өнеркәсіпті мемлекеттік ынталандыруға ұсынылатын шаралары шеңберінде өнеркәсіптік-инновациялық қызметті мемлекеттік ынталандыруға қатысатын өнеркәсіптік-инновациялық жүйе субъектілерінің ішкі құжаттарында айқындалған қарсы міндеттемелерді мониторингтеу мерзімдеріне қарай дербес жүргізеді."

2. Қазақстан Республикасы Өнеркәсіп және құрылыс министрлігінің Өнеркәсіптік саясат департаменті заңнамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық ресми жарияланғаннан кейін оны Қазақстан Республикасы Өнеркәсіп және құрылыс министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Өнеркәсіп және құрылыс вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасының
Өнеркәсіп және құрылыс министрі*

Е. Нагаспаев

"КЕЛІСІЛДІ"

Қазақстан Республикасы

Қаржы министрлігі

"КЕЛІСІЛДІ"

Қазақстан Республикасы

Сауда және интеграция

министрлігі

"КЕЛІСІЛДІ"

Қазақстан Республикасы

Ұлттық экономика министрлігі